


حقوقى بىلىكىلىرىمۇجەمىئەسى

ھەر آيك اون بېشىندە نىشر اولتور



آلمان قانونی کندیسنه رفیق طرفندن تبلیغات یاپیلان اوقاتی بونی قبول و امضا ویرمه که مجبور طوتمقده در .

[آت طرفی کله جک نسخه مزده]

مصطفی رشید

سابق طابو مدیر عمومی

فانونه مدنی اراضی قانونی احکامی مرعیمیدر؟ ع. صموح البیه

بوندن بر آی مقدم تقاعده سوق اولنق صورتیله مأموریتدن علاقم قطع اولندقدن واقفردن استانبوله کلدکدن صوکره استانبول باروسی مجموعهلرندن ۲، ۳، ۴، ۵، ۶ نجی نسخه لرنده مطالعه کذار عاجزانه اولان افاضل حقوقیه دن جواد و رفعت بک افندیلرک [اراضی قانونی احکامی مرعیمیدر] سؤالی حاوی سرلوحه لی مناقشات علمیه و تدقیقه دن استفاضه ایلدیکمدن طولانی مشارالیه مایه آرو آرو متشکرم .

بناء علیه دوام ایدن مناقشه یی مذکور مجموعهلرک آلتنجی نسخه سنده طابو مدیریت عمومی سندن بالعموم طابو مدیر و مأمورلرینه ارسال اولنان ایضاحنامه نك باشلانغیج قسمی شکل مناقشه یی حل ایلدیکندن بختله مذکور مناقشه یه ختام ویرلدیکی بیان اولنقش و مذکور ایضاحنامه عاجزلرنجه ترتیب ایدلمکله برابر صورت مناقشه نك مسلکمزه تعلقی بولنقش اولدیغندن ناشی بو بایده عاجزانه لایح اولان مطالعه کم بضاعه می عرض ایتمکه مساعدلرینه مغروراً جسارت ایلدم .

۴ تشرین اول ۹۲۶ تاریخسده موقع مرعیه وضع اولنان قانون مدینک ۶۱۸ و ۶۴۴ نجی ماده لری موجبجه برشیئه مالک اولان کیمسه اوشیده قانون دائره سنده دیله دیکی کی تصرف ایده جکی و اوشینک بونون متمم جزؤلرینه و برارضک صاحبی آلتنه و اوسته ده مالک اوله جنی ملا بساییه اموال غیر منقوله نك اراضی و اجاری نیلی اقسامنده متصرفنک حق استیجاری حق تملکله تحویل ایتمش اولنقله صاحبی طرفندن او نوع مال غیر منقولک دیله دیکی کی استعمال ایدیه جکی و آلتنه و اوسته مالک اولسی ذات رقبه نك بالکلیه مرفوعیتیه حاصل اوله جنی شبهه سزدر .

شو حالدہ قانون مدنی از اراضی دہ و مسقفات دہ جاری و موجود اولان رقبہ بی الغا و طرز تملک وارث و انتقالی توحید الی شدر.

قانون مدنی از اراضی قانونی تماماً و یا قسماً الغا ایدوب ایتدیکنی تعیندن عبارت اولان مسئله مهمه دوام ایدن مناقشه نتیجه سنده حل اولنا مشدر. تطبیقات قانوننک ۴۳ نجی ماده سنده قانون مدنی و بورجلر و تطبیقات قانونلرینه مخالف اولان حکملر ملغا اولدینی صراحة محرر ایکن مدون اولان اسکی بر قانونده مندرج اولان ماده لر دن بعضری مذکور قانونلرده کی احکام ایله تماس الیدیکی و برکونا مخالفت بولنمادیکی تقدیرده او قانون مدونک ابتداسندن انتہاسنه قدر ضمناً و دلالة الغا اولدینی قبول ایدلش اولسه مذکور ۴۳ نجی ماده نک صراحتنه منافی اوله جفی کبی قانون جدیدده ساکت اولوب قانون عتیقه موجود اولان احکامه متعلق حادثاتک حل و فصلی عقامته اوغرار و بالتیجه مصلحت متأثر اولور. نته کیم ۳۰ مارت ۳۳۹ تاریخی اموال غیر منقولہ نک تصرفه عائد قانونک ۶ نجی ماده سنده اداره و لایات قانوننک احکامه کوره یکیدن تشکیل اوله جق قریه و یا محله ده جماعتله توطن ایدہ جکلرک [تبعه عثمانی دن] ورکیه تبعه سندن بولنلری مشروط اولدینی کوسترلش اولوب قانون مدنیده بوماده به مخالف و یا معدل بر ماده بولنمادیکی جهتله بویله بر حالک وقوعنده مذکور ۶ نجی ماده مرعی عد اولنا زایسه مملکت متضرر اولور. بو اساسه بناء اراضی جسیمه نک اجانب عهده سنه کچیرلہ دن اول استیذان کیفیت اولنمسنه دائر ایکی دفعه واقع اولان اراده ایله بر درجه به قدر او کبی فالتک اوکنه کچلمش ایدی. اراضی قانوننک ۳۳ نجی ماده سنده طابو ایله تصرف اولنان اراضی به اولو دفن اولنیه جغه دائر اولان حکم یکی جزا قانوننک ۲۶۲ نجی ماده سیله تعدیل ایدلماش اولسه ایدی الیوم مرعی اولسی لازم کلوردی. از میر، بروسه، بالیکسر ولایتلرنده اشجار ایله زمین حقنده بشقه بشقه جزیان ایدن معاملات تصرفیه ده اراضی قانوننک ۴۴ نجی ماده سی تطبیق ایدیلہ مامکده ایسه ده تطبیقات قانوننک ۲۱ نجی ماده سی موجبنه غیرک اراضیسنه دیکلمش بولنان آغاجلرک اوزرنده کی ملکیت حقاری قانون مدینک مرعی اولدینی تاریخده جاری قانونلرک حکملری دائرہ سنده محفوظ اولدیغنه و قانون مدینک آنجق ۶۵۲ و ۶۵۵ نجی ماده لرندہ کی احکام ذکر اولنان ۴۴ نجی ماده به

مخالف اولديغنه و تطبيقات قانونك ۴۲ نجى ماده سنك مفهومه نظراً اراضى قانونك ۴۴ و ۶۶ نجى ماده لر ينك اليوم مرعى اولمى لازم كلور . مع هذا لك بويوك شهر لر مزده كى مسققات و مستغلات موقوفه نك اشكال تصريفه سنك و مغروس اولان اشجار ايله زمين لر ينك متداول تصريفاتك ازاله تشقلى ايچون دائره عائده سنجه بر قانونك تنظيم و تكليف اولمى مقتضيدر .

اراضى قانونك الفا اولان و اولمىان موادينه كلنجه ۱، ۲، ۳، ۵، ۶، ۷ نجى ماده لر قانون مدنك ۶۱۸ الى ۶۲۰ و ۶۳۲ نجى ماده لر يله ملغادر .

۴ نجى ماده سنده محرر اولوب بوندن اول ايكى صورته تسجيل و تأسيس اولان اراضينك موقوفى قانون مدنى ايله مرفوع اولمادىنى و مسققات و مستغلات موقوفه نك اجارات و مقاطعاتنى اصحابى تاديه ايتكمكه مكلف اولدىنى جهته تأسيس حقده بر قانون وضع اولتجه يه قدر مذكور دردنچى ماده قسماً مرعيدر .

۹، ۱۰، ۱۱، ۱۲ نجى ماده لرى ۳۰ مارت ۳۳۹ تاريخلى تصرف قانونك بشنچى ماده سيه الفا اولمى و مذكور بشنچى ماده دى قانون مدنك ۶۱۸ و ۶۱۹ و ۶۲۰ نجى ماده لر يله ملغادر . ۱۳ و ۱۴ نجى ماده لر تصرف قانونك ۱۰ نجى ماده سيه و ۱۰ نجى ماده ده قانون مدنيه غير مقول ملكيتك حكملرى حقده كى مواد ايله ملغادر . ۱۵ الى ۱۸ نجى ماده لر ۱ كانون اول ۳۲۹ تاريخلى اموال غير منقوله نك تقسيمه دائر قانون ايله و بو قانون قانون مدنك اون يدنچى بابك برنچى و ايكنچى و دردنچى فصل لر يله ملغادر . ۱۹ نجى ماده سى تصرف قانونك بشنچى ماده سيه ملغادر . ۲۰ و ۲۳ نجى ماده لر قانون مدنك ۶۳۸ و ۶۳۹ نجى ماده لر يله ملغادر . ۲۱ نجى ماده تصرف قانونك ۱۴ نجى ماده سيه ملغادر . ۲۴ نجى ماده سنك يايلاق و قيشلاق رسم لر ينك استيفاسنه دائر اولان حكمدن ماعداسى قانون مدنك ۶۱۸ الى ۶۲۰ نجى ماده لر يله ملغادر .

۲۵، ۲۶، ۲۷ نجى ماده لر تصرف قانونك ۵، ۱۰ نجى ماده لر يله الفا اولمىدى .

۳۳ نجى ماده جزا قانون جديد ينك ۲۶۲ نجى ماده سيه ملغادر . ۳۴ نجى ماده تصرف قانونك بشنچى ماده سى و اعشارك العاسى حقده كى قانون ايله ملغادر . ۳۵ نجى ماده نك برنچى فقره سى تصرف قانونك ۱۱ نجى ماده سيه ملغا و ايكنچى فقره سى مذكور

قانونك ۱۳ نجى ماده سيله معدل اولوب بو ايكي ماده دخی قانون مدینك غیر منقول ملکیتك حکملری حقنده کی مواد ایله ملغادر. ۳۶ و ۳۷ نجى ماده لر قانون مدینك ۶۳۳ و ۶۳۴ نجى ماده لر ایله ملغادر. ۳۸، ۳۹، ۴۰ نجى ماده لر قانون مدینك عینی حق لر فصلك مواد عمومیه سيله ملغادر. ۴۱ و ۴۲ نجى ماده لر قانون مدینك ۶۲۳، ۶۲۴، ۶۲۵ و ۶۵۸ و ۶۵۹ و ۶۴۸ نجى ماده لر ایله ملغادر. ۴۳ نجى ماده قانون مدینك ۶۲۵ و بورجلر قانونك ۳۸ و ۴۱۰ و ۴۱۵ نجى ماده لر ایله ملغادر. ۴۴ نجى ماده حقنده بالاده ایضاحات ویرلشدرد. قانون مدینده مخالف احکام بولنماسدن و کوی قانونك ۴۴ نجى ماده سنك ۲ و ۳ نجى فقره لرینك احکام مؤیده سندن طولانی ۴۵ نجى ماده نك حکمی باقیدر. ۴۶ نجى ماده قانون مدینك ۶۲۳ و ۶۲۴ و ۶۵۹ نجى ماده لر ایله ملغادر. قانون مدینده خلافه بر حکم اولمادیغندن طولانی ۴۷ نجى ماده مرعیدر. ۴۸ نجى ماده قانون مدینك ۶۱۸، ۶۱۹، ۶۴۴ نجى ماده لر ایله ملغادر. ۴۹ نجى ماده ق. م نك ۶۵۵، ۷۵۱ ماده لر ایله ملغادر. ۵۰ الی ۵۳ نجى ماده لر ق. م نك ولی و وصیلر حقنده کی احکام موجبجه مفسوخدر. ۵۴ الی ۵۸ نجى ماده لر ك انتقالات قسمی ۱۷ محرم ۲۸۴ تاریخی انتقال قانونی موجبجه مفسوخ و بو قانون ده ق. م نك میراثچیلر قسمك احکامیه ملغادر. ۵۶ دن ۵۸ نجى ماده یه قدر اولان غائب و مفقود اولانلر حقنده کی احکام ق. م ۵۳۶ دن اعتباراً مواد متعاقبه ایله ملغادر. ۵۹ الی ۶۴ و ۶۷ نجى ماده لر ۱۷ محرم ۲۸۴ تاریخی انتقال قانونی موجبجه مفسوخ و بو قانون ده ق. م نك میراثچیلر حقنده کی مواد ایله ملغادر. ۶۵ نجى ماده ق. م ده ولی و وصیلر حقنده کی احکام ایله ملغادر. ۶۶ نجى ماده حقنده بالاده ایضاحات ویرلشدرد.

۶۸ الی ۷۱ و ۷۴، ۷۶، ۸۴، ۸۵ نجى ماده لر ۱۲ مایس ۹۲۶ تاریخی و ۸۳۷ نومرولی قانون ایله ملغادر. برقریه و یا قصه اهاالینك عموماً و یا خود بعضیسنك بلاعذر ترك وطن ایتمه لرینی مانع قانون مدینده بر ماده اولمادیغی جهتله ۷۲ و ۱۳۰ نجى ماده لر ك احکامی مرعی اولسی لازم کلور. ۷۳ و ۷۵ نجى ماده لر قانون مدینك ۵۲۸، ۵۲۹، ۵۳۰، ۵۳۴، ۶۳۹ نجى ماده لر ایله ملغادر. ۷۷ نجى ماده نك حق طابو قسمی ۱۷ محرم ۲۸۴ تاریخی قانون ایله و آندن سوکره کی فقره لر ق. م نك ۶۳۵، ۶۳۹، ۶۵۹ نجى ماده لر ی موجبجه ملغادر. ۷۸ نجى ماده ق. م نك ۶۳۸، ۶۳۹ نجى ماده لر ایله ملغادر. ۷۹ نجى

ماده تصرف قانونك ۷ نجی ماده سیله الفا اولمشدی . ۸۰ نجی ماده ق . م نك ۴۳۹ ،
 ۴۴۸ نجی ماده لریله ملغادر . ۸۱ نجی ماده تصرف قانونك ۵ نجی ماده سی و خرج و انتقال
 قانونی ایله ملغادر . ۸۲ و ۸۳ و ۸۶ نجی ماده لر ق . م نك ۶۵۹ نجی ماده سیله ملغادر .
 ۸۷ نجی ماده بورجلر قانونك ۲۱ نجی ماده سی و مزایده و مناقصه قانونی ایله ملغادر .
 ۸۸ نجی ماده نك برنجی فقره سی مزایده و مناقصه قانونك ۲۲ نجی ماده سیله ملغا وایکنجی
 فقره سی مرعیدر . ۸۹ و ۹۰ نجی ماده لر عسرك الغاسی حقنده کی قانون ایله قانون مدینك
 عینی حق لره دائر احکامی موجبجه ملغادر . قانون مدینده خلافه بر حکم اولدیغندن
 طولانی ۹۱ ، ۹۲ ، ۹۶ و ۹۷ نجی ماده لر ك احکامی مطاعدر . ۹۳ ، ۹۴ ، ۹۵ نجی ماده لر
 ق . م نك ۶۴۱ نجی ماده سیله ملغادر . ۹۸ نجی ماده کوی قانونی ایله ملغادر . قانون
 مدینده مخالف احکام موجود اولدیغندن ناشی ۹۹ و ۱۰۰ و ۱۰۱ نجی ماده لر ك احکامی
 باقیدر . ۱۰۲ ، ۱۰۳ نجی ماده لر ق . م نك ۶۳۵ ، ۶۴۱ نجی ماده لر یله ملغادر . ۱۰۴ نجی
 ماده ۱۵ نیشان ۳۴۰ تاریخلی ۴۸۴ نومرولی دولت اورمانلرندن کویلیلر ك انتقاع حق
 قانونك ایکنجی ماده سنه مذیل ۸ مارت ۳۴۱ تاریخلی ۵۸۲ نومرولی قانون ایله معدلر .
 ۱۰۵ نجی ماده ق . م نك ۶۴۱ نجی ماده سنك حکمی داخلنده اولسی اعتباریله
 ملغادر . ۱۰۶ نجی ماده ق . م نك ۶۱۸ ، ۶۱۹ ، ۶۴۴ نجی ماده لر یله ملغادر . ۱۰۷ نجی ماده
 ق . م نك ۶۳۲ و ۶۹۶ و ۶۹۷ نجی ماده لر یله ملغادر . ۱۰۸ نجی ماده ق . م نك ۵۲۰ نجی
 ماده سیله ملغادر . ۱۰۹ نجی ماده ق . م نك میراثیجر فصلنده کی احکام عمومیه ایله ملغادر .
 قانون مدینك ۵۲۰ نجی ماده سنده اختلاف تابعیت حقنده کی میراث مسئله سی ساکت
 بر اقلمش اولسنه نظراً اختلاف تابعیت مانع میراث اولماسی لازم کلدیکی جهتله ۱۱۰
 و ۱۱۱ نجی ماده لر ملغادر . ۱۱۲ نجی ماده ق . م نك ۸ ، ۲۳ نجی ماده لر یله ملغادر . ۱۱۳ نجی
 ماده بورجلر قانونك ۲۹ و ۳۰ نجی ماده لر یله ملغادر . ۱۱۴ نجی ماده بورجلر قانونك
 ۵۱۱ الی ۵۱۳ نجی ماده لر یله ملغادر . ۱۱۵ نجی ماده اجرا قانونی ایله ملغادر . ۱۱۶
 و ۱۱۷ و ۱۱۸ نجی ماده لر ق . م نك ایبوتك فصلی ایله ملغادر . [ماده ۷۶۵ الی ۸۵۲]
 ۱۱۹ نجی ماده بورجلر قانونك ۲۱ و ۲۸ نجی ماده لر یله ملغادر .
 قانون مدینده مرض موت حقنده بر حکم اولماسی و اساساً مرض موده اراضینك
 امر فراغی معتبر طانسدینی جهتله ۱۲۰ نجی ماده مفسوخدر . ۱۲۱ نجی ماده قانون

مدینک تاسیسه متعلق موادی ایله ملغادر. ۱۲۲ نجی ماده اشخاص حکمیه قانونسک اوجنچی وق. م نک ۴۵ الی ۷۲ نجی ماده لرله ملغادر. ۱۲۳ نجی ماده ق. م نک ۶۳۶ ، ۶۴۱ نجی ماده لرله ملغادر. ۱۲۴ نجی ماده ق. م نک ۶۶۶ و ۶۷۹ الی ۶۸۵ و ۷۵۲ نجی ماده لرله قدر اولان مواد ایله ملغادر. ۱۲۵ نجی ماده بورجلر قانونسک ۵۶ و ۵۷ نجی وقانون مدینک ۶۷۶ نجی ماده لرله ملغادر. ۱۲۶ نجی ماده تحدید و تحریر و کوی قانون لرله ملغادر. ۱۲۷ نجی ماده اعشارک العاسی حقنده کی قانون ایله ملغادر. ۱۲۸ نجی ماده تصرف قانونسک بشنجی ماده سیله الفا اولمشدی. ۱۲۹ نجی ماده ق. م نک عینی حقار حقنده کی احکام ایله ملغادر. ۱۳۱ نجی ماده ق. م نک عینی حقار و میراثجیلر حقنده اولان احکام ایله ملغادر. ۱۳۲ نجی ماده ق. م نک ۶۳۵ ، ۶۳۶ ، ۶۳۷ ، ۶۴۱ نجی ماده لرله ملغادر. اراضی قانونته مذیل ۱۲ کانون ثانی ۳۰۳ تاریخلی فقره قانونیه ق. م نک ۶۳۸ و ۶۳۹ و ۶۴۰ و ۶۴۱ و ۶۴۵ نجی ماده لرله ملغادر.

ع. صلاح الدین

حقوق فاکولته سی
مدرسندن آروقات:

— ۳ —

مفوق مرآ

مورد فیر

قانون جزا مزده چالشمق مجبوری

قانون جزا مزك وجوده کتیردی بیکیکلکوردن هیچ شهسز الاصلاح آوری چالشمق مجبوری حقنده قانون جزا مزك ۱۳ و ۱۵ و ۲۱ نجی ماده لرنده وضع اولان احکامدر. حبسخانه لر مزك وضعیت حاضره سی شمدی به قدر مجبوسینی اولدینی کی حبسخانه لرده توقیفدن بشقه برشیته خادم دکلدی. اوتنه دئیری کار و کسبيله اشتغال ایده کلن برکیمسه، صاحب صنعت بر عمله حبسخانه نک عاطل حیاتنده چالشمق خصوصسنده کی اعتیاداتی اوزون و یا قیصه برزمان، مجبوسیت دوره سننده قسماً و یا تماماً غائب ایتمکده و بو صورت حبسخانه لر کندیلرینی چالشمغه هوسلندیره جک یرده بالضروره تبدلکه سائق برعامل اولوب کیتمکده ایدی. الیوم بعض حبسخانه لر مزده اوافق تفک بعض صنعتلرده بعض مجبوسینک چالشدینی کورولوب ایشیدلمکده ايسه ده واضع قانونک استهداف ایتدیکی